



НУР

Еженедельная республиканская общественно-политическая газета
«НУР» («СВЕТ») на дагурском и русском языках

№ 36 (1327) Пятница, 15 сентября 2023 г.
Издается с 1995 года Цена 10 руб.

Фестиваль «Йизын Дагъыстан. Йишда Расул» МаскIавни шагъаре

Камил Шамхалов

Сентябрьни 12-чил Дагъыстанни хаIрынкъве Сергей Меликове МаскIав Дагъыстанни халкъни шааирни Расул Гьамзатов-ни 100 сенийс къадсырийни «Йизын Дагъыстан. Йишда Расул» фестивалъни ачмишхъае иштыракау.



Маджлис М.И.Рудоминоини доюл'ни хаа Риджий адабиятни китабхане вухъа ва мана Россиейни Президентсынанни Дагъыстанни эл'чиханайни кумагъа кърмишавъу. Мани хадни маджлисын мигъманар машгъур шааирни

творчествайка ва Дагъыстан Республикаини маданиятни девлетиква танышавъу.

Фестиваль «Дагъыстан» ансамблин ачмишау, хыйгъа махъа абыйбышилхъа табрикни джувабыка Дагъыстанни регъберее Сергей Меликове мурадживат гъау. Манкъве увгъойн, 1983 сенее Расул Гьамзатов Европайл' энки югна шааир доюс лайкыау, 1986 сен - Азиейл'. Манкъун китаббы 80 агъаллани хаариджий мизаршилхъа сакIалау. Шааирни гогъарбышди джувабышихъа гора, манкъве гъар командировкейнче тезе шечIбы, поэмабы, одкIунийбы адайли ыхъа. Р. Гьамзатовын творчества регионни башчийе къизлен фондва увгъо.

Маджлисын шарафнан мигъманар гъукуматын къуллухчер, сиясатчер, искусствайн, джаIмаъат ташкилатбышин эл'чер вухъа. Манбышди алрее РФ-ни Президентни Администрациейни регъберна маIъвын МаIгъаммадсалам МаIгъаммадов, Россиейни китаббышди Союзна президент Сергей Степашин, Совет федерациейни садрийна маIъвын Сергей Косачев, хаариджий дипмиссиебышин эл'чер вухъа.

Фестивалъни иштыракчершилхъа табрикнан кагъыз Россиейни маданиятни министре Ольга Любимовае къахову. Шааир Расул Гьамзатовын



асарбы Боливиейни, Сириейни, Алжирни вакилярше къаIдхъы.

Маджлисни ачмишхъае шааирни шечIбышиквани китабын йыIкънекна джигъа авхъу. Китаб уруснийий ингилисни мизаршил' къайиккы. Манчиле гъайре ,маад доюкани дагъыстанни артистарше «Дурнабы» ва медын маIгънийбы гъау.

Республике сечкибы чини къайдал' ыхъа

Къурбан Омаханов

Сентябрьни 11-чил Дагъыстанни хаIрынкъве Сергей Меликове вааджибни суалбышди аллан иджлас ыккы.

Манчини алрее Дагъыстанэ сес'бы гьелени Садибни йигъын екунбы ыIхый, Запорожьейни вилаетни Михайловни районис кумагъувай ва медын суалбы ыхъа.

Сес'бы гьелени Садибни йигъын екунбы Регионни хаIрынкъве увгъойнки, республике сечкибы чини къайдал' илгъечIу ва агъалийн абыйнчин фааз ахтыйн ыхъа.

Манкъве йикIел'хъаляанки, 2023 сенни сентябрьни 8-10-чил республике 4 шагъарбышее –Дербентее, Избербашее, Кизилюртее, Хасавюртее 12 муниципал районбышее ва са муниципални участокее депутаттаршин сечкибы илгъечIу.

Сечкибышди кампание алгъавгъуйнине 169 участковый комиссиебы кърмишау. Сес'бы гьеленкъаI 166 аазыр инсане иштыракау.

«Сечкибы чини къайдал' къулайка илгъечIу. ДжаIмаъат-сиясатна вазият пызмышаъасын фактбы ыхъа деш. Манчин илгъевчIуна сечкибышди кампания гъакыйкъатна вухъава субутаъа», - ДР-ни хаIрынкъуни ва правительствайни администрациейни регъберее Алексей ГъаIсанове агъмишау.

Запорожьейни вилаетни Михайловни районис кумагъувайынчини гъаIкlee

Регионни тикинтийни ва ЖКХ-ни министрни Артур Сулеймановни увгъойка, Дагъыстаннын мани районе гъаракатука ишбы ыккекка водунбы. Хъони объектбышее ишбы быкырда таамхъайнбы. Тикинчерше 2 мактаб, ушахаршини творчествайна марказ, кинотеатр тезелемишау. Сенни алхрелхъасе фыкрее 27 ешайишин ва 32

инфракъурлышин объектбы тезелемишаъас ахъы водунбы.

Китаббышиква таIгъмыравъуй Манчини аллан маIгълумат Дагъыстанни таIгъсилни министре ЙаIгъие Бучаеве гъуво. Манкъуни джувабышихъа гора, гъаIшде касибни хизанбышенчени ушахаршис китаббы алишуйн пыл йыIкъалхъа сакIалаъасди гъаIкlee фыкыррашмишоохъы вобунбы. Манчиле гъайре, Дагъыстаннын таIгъсилин министерства МаскIавни правительствайка сыхни алаакъе водун. Манбыше йишин мактаббы «МаскIавын электронын мактаб» программалхъа аликкас имкан гьевлес.

Манчиле савагъийда иджласе менни суалбышди гъаIклейиб гаф вукку.

Республикайн Расул Гьамзатовын юбилей алгъавгъу

Камил' Шамхалов

Дагъыстанэ халкъна шааир Расул Гьамзатов едике ыхъайни 100 сенийс къадсырийн шадлыгъбы илгъечлү.



Байрамын йигъбы шааирни гъайкалысхъа тет'бы гихъыйка ва манкъуни нюкънелхъа гъабкъынийка гидгъыл. Махъа Дагъыстанна хааирна Сергей Меликов, Россияни язычершини Союзна садры Никалай Иванов ва мебын ахътын къуллукъер абы.

Манчика янашеда, Р.Гьамзатовни доюл'ни проспекте, «Йишда Расул» донан фестиваль алгъаа ыхъа.

бы «Джагваран дурнабы» фестивални ачмишхъайс къадсырийн митинг ыхъа. Ман аахъанкъа республикайни премьер-министре Абдулмуслим Абдулмуслимове шааирни ымырни аллан марахукан алгъвалатбы юшену.

Джуну чыхъыше Палестинайле арыини мигъмане Абедалла Ыссе дагъыстанни халкъыс магъарна шааир гъувойхъа гора, миннатда-



Гьиняаад творчествойин ва спортун майдамбы, китаббышин гъагуйбы, халкъбышин хорагъбы къурмишау. Регионни регъбере ва федерални къуллукъерше хорагъбыше дадбы гъау, симыл' ивийкарни пегълеванаршиле тамаше гъаву.

Хъийгъа «Гьамзатовын йигъ-

рийвалла агъмишаву. Манкъуни увгъойка, садджу игитни халкъын игит духъебы ч'ак'ы хъааанбы.

Таджикистанни язычершини Союзни садрее Низом Касим Джохангире ед'ни мизел' юбиларын шеч'бы хъадхъы. Манкъуни джуваббышихъа гора, джуну юрдыл'



Расул Гьамзатов милли шааирис гъысабаа ворна. Маджлис хореографиейни «Дурнабы» магънийка ва хайбъшеехъа джагваран шарбы къайиккыйка таамувхъа.

Гьаманидждат йигъыл' М. Горькийни доюл'ни Урусни драмтеатре магъний-театрна тамаше вухъа. Мигъманаршис хошгел'ди гъааанкъа Сергей Меликове увгъойки, Расул Гьамзатовын до Дагъыстанын лышан водун. Манкъве оллкайни хаирнкъулхъа, Россияни Правительствайлхъа, маданиятни министерствайлхъа алхышын

агъаллан экспонатбы водунбы. Хаани к'ане Гьамзат Цадасайс ва джуну доюкани духъебышис гъайкал гивхъу.

Манчиле хъийгъа Сергей Меликов ва Юрий Чайка «Джагваран дурнабы» тезелемишайни мемориал комплексни сурахъа йалхъ авхъу. Гъаише мемориалыке мултимедийный комплекс хъихъа. Манчин республикайни халкъни шааирни творчествойка танышхъес имкан гъооли.

Гьамани йигъыл' Президентни СКФО-ени эл'чейий республикайни хаирнкъве районе Едина



джуваббы гыхъарау.

Владимир Толстойе Владимир Путинкен табрикнан кагъыз хъадхъы. Манкъуни увгъойка, халкъын мулгъуббат Расул Гьамзатове джуну талантука ва халд'ни йик'еква къазанмишау.

Гойне сцене Дагъыстанни маданиятни гъак'еена хабарааана тамаше вухъа. Маджлис шааирни

гъайкал ачмишаву. Монументни йык'нее хик'уйни духайна уц'ур ц'ыц'лааана ед' ил'ерзул'ер ва ёк'ни мизел' обк'унна «Дурнабы» донана шеч'лоб.

А'ранийни хивее ахътын къуллукъер тезе интернат мактабе вухъа. Мани мактабе ерры ушахаршиле гъайре, делесни хиваршенчени шыгърташике хъадхъас алха. Ман-



йишени Салигъат Гьамзатовайни чыхъышк'ва быкырувхъа. Манкъее деккини творчествойс гъурмат гивхъуйхъа гора ва юбилейни байрамейхъа абыйс сагъула увгъо.

Хъийгъийни йигъыл' шадлыгъбы Хунзахни районе давамхъа. Гьиняхъа РФ-ни Президентна СКФО-ена эл'чий Юрий Чайка ары. Мана республикайни регъберука Цадайни хивее Гьамзат Цадасайни хав-музейе ыхъа. Музейе шааирни ымырка ва творчествойка багълыданан 1800

бышис ятагъхана гъазирда водун. Юрий Чайкее пайис хъейибле телевизор гъуво.

Гойне маджлисын иштыракъер ва мигъманар Хунзахни районни маданиятни Хаахъа илгъебч'ы. Районни артистарше уфтанын к'анцерт гъагу.

Дагъыстанни халкъни шааирни Расул Гьамзатовни 100 сенийс къадсырийн маджлисы гьинчиле хъийгъад давамхъесынбы.

Вице-премьере районни больницайна иш ёхламишавъу

Камил' Шамхалов

Илгъечлуйни улджуме Рутулни районни больнице Дагъыстанни правительствайна вице-премьер Абдурагъман Магъмудов ыхъа. Манкъуна махъа гъаркыныйна сабаб больницайни члакынбыше иш хъобкуба гъидяъан шикаятбы вухъа.



А. Магъмудов поликлинике, больницайни гыргыни отделение-бышее ал'джахху, маад маалидже да манкъухъад медын суалбыд ыхъа. Хусусан, ахреени сенбы-шее районенче медуниверситете



гъагани чырынбышиквейий дохтураршиква юшенхъа. Манкъве нишилхъае фыкыр гъевлес вуккан агъмишау.

Вице-премьере чырынбышиквейа гъауйни ихтилетыке ацлахъайнки, манбышихъад одхъунийка ва дарманбышиквейа багълыданан шикаятбы дешод. Манчиле гъайре дохтураршини ишилеб разийба воб. Манчихъа ил'дяакы, марказыле арына къуллукчий са карыле магъатталхъа: сабара дохтурар къоһни-хъебни къуллукхыл' ишлемишоохыи воб. Ман ишни къаануныс эксинада водун.

Абдурагъман Магъмудове мани сардан больницайни члакынбы танкыит гавъу. Манчиле савагъий-

хъадхъаисди ушахаршини месалайс фыкыр гъооли дешод.

Рутулни районни больницайна хаарна Равил Ибрагъимов агъмишайни танкыитиле разхъана. Амма, манкъуни увгъойка, ахреени вузаршее халкъын хаӀдда дюгленын шикаятбы одкун. Манчика багълыда больнице хъулехъейд ёхламабы ыхъа. Манчин серрастба иш вуккейс имкан гъооли деш. Манчихъа ил'дяакы, вазият югни суралхъа бадалавуйниме гъаркатбы къеджи водунбы.

Вице-премьере екунбы ыхъыйханкъаӀ больницайни члакынбышилхъа гыргын нуксанбы арайле акланай тапширмишау.



«Миллетбы хаӀдда – гъоӀкумат са» донани конкурсун екунбы алгъавгъу

Байрам Абдуллаев

Сентябрьни 11-чил' Магъачкъалайни «Россия – йизын таарых» донани парке республикее гъар сен алгъайгъен «Миллетбы хаӀдда-гъоӀкумат са» донани конкурсун екунбы алгъавгъу ва «Миллетбышда садибийвалла- Гъамебхъайн шартӀ» донан конференцие илгъечлуй.



Ман конкурс ва конференцие Дагъыстанни миллетбышди ва динни ишбышди министрствайн гъайни вузани 15-чил' илгъечлесди Дагъыстанни миллетбышли Садибийвалийни Йыгъыс къадсыр ыхъа.

Мани илгъечлуйни тадбырбышее СВО гъабтлуйни иштракчершди едяарше, сабара ташкилатбышди улзвубыше ва телябабыше иштиракау.

Конкурсни финалеехъа 150 иштиракчийке 14 инсан ёкни номинациехъа илгъечлуй: «Видеоролик», «Тамаша», «ШечӀ» ва «Российни миллетбышин магъаллабы».

Финалейхъа илгъечлуйнбыше

«Ши, дагъыстанлыбы, гъамаше садибба вухъа ва садиббаб вухъесынбы. Йишда садибийвалла ши ХаӀбна Ватанни дявыйни вахтал', гойнеб оӀтмишхъайни асырни ахырбышее ва гъаӀше СВО ал'гъаӀни вахтал' гъаагву ва гъаагва вобна. Ман йишди миллетбышин Ватанылхъан ашкъ ва ватанперварийвалла ыхъайке водун», - Муслимове увгъо.

Манкъве СВО гъабтлуйни иштракчеершди едяаршилхъа саркыл' манбышис минатарийвалла агъмишавъу ва увгъойн: «Шу гъакӀен ватарперварар члакыхъавъу. Вушди гъийд зы калле эгмишаъа ва минатарийвалла шос агъмишааъа. Вушди гыргынкъус джанана сагъвалла, ачухун дюнийе, ва



таарихни паркейхъа сабийнбышис уфтанын миллетбышин маданият, хорагбы ва джурбаджур миллетбышин адатбы гъагу.

Мигъманар Магъачкъалайни №20 мактабни маданият дестейн, «Салам» донани хореографиейни ансанбылын тентенейква къаршламышавъу.

Конкурсун ва конфрансын иштракчеер республикайни хаӀрынкъуни Сергей Меликовни сураке Дагъыстанни миллетбышди ва динни ишбышди министрее Энрик Муслимове хъоӀни Дагъыстанни миллетбышди Садибни Йыгъыква табрикавъу.

хаӀдда югун ишбы алрзуламишаъа»

Гойне конференцие сабара махъа хъобтлуйлини къуллукчеершис джуваб гъуво. Манбышди арее Россияна сенатор Елена Шумилова йихъа ва маӀнкъее йишди республике СВО гъабтлуйни иштракчеершди едяаршис къооджени гъуӀрматыс ташакурийвала агъмишавъу. Сенаторни увгъойка, махуӀбна гъуӀрмат мани едяаршис Россияни медни вилаетбышил' дешда.

Конференциейни ахрее конкурсее гъамебхъайнбышис дипломбы ва пылыкван сертификатбы гъуво.

Дагъыстанни миллетбышда кок са вобна

Къурбан Омаханов

Гъар сен, септември 15-чил' йишди республике Дагъыстанни миллетбышин Садибын йигъ алгъайгъи. Байрамыхъад хадын таарых дехъейид, манчихъаб кlorана маъна вобна. Дагъыстанын миллетбы гъаммаше югни —писди вахтал' санаб-саджигее вухъа, вобунбы, вухъесынбы.

Шакле ацан республике 30-ле агъаллан миллетбы ешемишехъи. Манбышди гъаарункъухъаб джона миз, джон таарых, джон адабият, джон маданият водун. Анджах манбышихъад са хасиятбы, акаран адатбы, гювъур- сугъоций водун. Ватаныс къорхунанкъа, манбы гъамбаше мислягъатее вохъи. Са миллетин уцур, шениса миллетин уцур водун; са миллетын шадлыгъ, шениса миллетын водун. Дагъыстанни миллетбышди таарыхе хадыда гъадисабы ыхъа. Манбы гъаммаше саджигеехъа сабы къабни душманаршиква вурушмишивхъа, республикайна абыр, ламус, сифат гъувааджы. Помпейн, Надир шахын къошинбы дагъылмишау. Кавказыл' Никлалайка алгъаални давъэ садибба душманаршиква вурушмишивхъа. Манчиле гъайре, дагъыстанлыбы медни локальный вурушбышее саджигеехъа сабы душманаршис джаваб хъуво. Мысаджад дагъыстанни миллетбышди арее сана-санкъуан члакын къалма-къалбы ыхъа деш. Гъел'бедти, арее ледж адчес вуккананбы огийлиб, гъаишдеб вобунбы. Анджах, йишди меega йишди архабыше, агъсахъаларше, баба-дидершин гъувойн ваъалзбы, тербие шас гыргыни къаанунбышиле агъалла водунбы. Манбыше ши хъобтлуыйнбы Дагъыстанее султ гъувааджес ва мугъулббат утумаъас.

Къийна меб йишди гъокуматыл' дагъамна вазият вобна ярамишивхъа. Йишин гъокумат ябайни гъихъа гъувойн пырсыкъ водун. Европеени олкабышис, Америкайс ыкканан йишин олка парче-парчене хъаъас. Ман фыкырбы манбышин Халбна Ватанна давъый таамувхъайле хъийгъа джад гидгъылыынбы. Анджах СССР-ни вахтал' манбы быкыраъас алхы деш. Капиталист олкабышди НАТО-ни блокыс эксина Социал олкабышин блок « Варшавский договор» илэдзур ыхъа.

Месала вобна: «МуИхъ суфраныле хъигъоочли». СССР анни хайинаршейий къабни душманарше манн олка гъылгъаккрауин. СССР ешемишехъени миллетбышди арее ледж, гъылдчат адчу. Миллетни лышанбышиква, манбы сана-санкъулхъа алявъу. Гыргынанкъа давъый - дарамабы гидгъыл, арее цла хъидхъу. Манчин азырбышиква инсанаршин ымырбы ыккы. Чоджаршике, достаршике душманар вухъа. Хадын олка республикабышилхъа дагъ-



ылмишхъа.

Гъокуматни хаанарше – Михаил Горбачёве, Борис Ельцине- гъокумат Америкайни ва Европайни къелик' авхъа гъувы. Хъийгъа хъебни «къочее» - Ельцине, Шушкеевиче, Кравчуке СССР дагъылмишаъана мислягъат къабылявъу. Манке хадын сагъф къайиккы. Къийнад манчина ши «бар» алябатла вобна. Няхъа иляккы, ёксурални тезеда къурмишхъайни олкабышил' къалмакъалбы вурушбы алгъаа водунбы. Мани уджагъеехъа шиш Америкайн, чини Европеени тьяквершиква гъааъа вобна. Манбыше къоидле чодж миллетбы Россияий Украина сана-санкъулхъа алявъу. Къийна Украина давъый алгъаални театырылхъа садкыл. Мааъад дешин акъва дешин. Болун дияр джегъеннямълхъа садкыл. Украинайс халбвалла кырагъылее гъааъа вобна. Медшени хочейн «Фашизмайн» вуклул' сугъооцавъуна мебни Украинайни либасее. Халбни Ватанни давъийе хъинне, манчин ян ахъыйн гъалей халбхъувхъа. Къийна хаариджий олкайни ярахыква, чавучершик-

ва украинлыбы россиянаршиква вурушмишоохъи вобунбы. Россияйна метлеб вобна Донбасс ешемишехъен миллет Украинайни режимыке къорамишауи ва джони олкайн къеледжагъ къабни душманаршике къорамишауи. Сений сура водун ман спецопераце гидгъылыын. Гъалекийс шакле манчин даянмишхъай къеджи дешодун.

Мани спецопераце иштырак йишди дагъыстанни игитершед авхуйни РФ-ни регионбыше хъинне гъаа водун. Гъел'бедти, манбышди арайл' цлахъыб вобунбы. Манбыше джо гъаклен игитер хъинне вурушбышее гъагва вобунбы. Манбы гъокуматни медалбышис, орденбышис лайикавъу. Командираршини дойиле манбышди декъяршилхъа, едаряшилхъа, джо хъадхъийн мактаббышеехъа ми ннатарийвалла агъмишааъан кагъызбы хъады. Манбышди гъаарункъуни гъаклее халбна макъале оокланас воохъи.

Давъийн акъва кларын водун. Манчин халда джегъилершин ымырбы ыкккка, едаряшис декъяршис уцлурбы, ярабы, нагъбы

адаили. Ватаныс джан гъувойнбы, яраламишивхъайнбыб кылба дешёбунбы. Цлахъышике мани кларни сиягъее джегъилер вобунбы. Мани спецопераце Украинайни фашистаршини хылеке Гъл'мецни хивеенчена йишда чодж контрактник Къурбанов Амрагъ Гъалсанна дих, Цлахъни хивеенчена Алгъмадов Ренад Нурмагъалмадна дих, Миххъейни хивеенчена Сафаров Артур Гъарыбна дих дих хъиклу. Манбыше джон алхреедын нафас Ватанни меega, къийхъийни геледжагъни меega гъувы. Ши манбышилхъа Аллагъна рагъмат кыхооли.

Яррабин, я Аллагъ, давъый таамувхъена. Гъарна джегъил' джуни хизанеexъа сагъра- саламатра хъалена.

Ши, дагъыстанлыбы, гъаммше Ватан дагъамийвалеенанкъа саджигее, са мислягъатука вухъайнбы, вобунбы в амев вухъесынбы.

Гыргын дагъыстанлыбы «Нур» клазетни редакциейн Дагъыстанни миллетбышди Садибийвалин йигъыква табрикааъа. Йишди оо ачухын хайбы ыхъенбы!

Тасарруфатбыше цывлийна иш гибгъыл

Юсуф Бабаев

Къийна республикайни хивни тасарруфатбыше гуджнаквэ эзуйни торпахбышиле биринз, багъбышейнче тлымыл' саъа водун. Манбыше гьаракатаъан гегъуйбы гигъалассе гибгъылна иш быкырааъас.



Республикайни хивни тасарруфатни министрствайн гувойни маълуматхъа гора, сен къурахыка адкъын ыхъейид, сауини магъсулбышин центнербы шацыйхъа иляаканкъал писда дешодунбы. Мани сардан Рутул районни тасарруфатбышейиб вазият писба дешда. Гъайни сен районни тасарруфатбыше вуккуйни ишис сиклы югун натийджабы гъагу. Тасарруфатчерше 3500 тон емый окний гьалзирааъас. Къийнийни йигъылхъассе манбыше 3800 тон еман гьалзирау водун. Маныд 110 % водун. Мана иш къийнаб явашувхъа дешда. Тасарруфатбыше мыкъаал'бы гигъалассе алава гьалзирийваллабы ыккыйсынбы. Къыдмийни эзуйбышикед районни тасарруфатбыше болна тахыл' алягъу. 2023-ъэди сен районны 800 гьектарейхъа къыдмийн тохумбы

эзу. Гъавъуйни загъматыс сиклы манбыше гьар гьектарейнче 20 центнер тахлена савъу. Тахыл' хившылийле хыйгъа, 800 тон балбын тайбышейхъа ыхыI.

Районни хивни тасарруфатни управлениейн гувойни маълуматхъа гора, гъайни сен югун натийджабы СПК «Свердловын», СПК «Мишлешин» гъагу. Добы агъмишауйни тасарруфатбыше алягъуйн центнербы ськылдад агъалла ыхъа.

ГъаIше тасарруфатбы 2023-2024 сенис гьалзирехъи. Манбыше къыдмийн тохумбы эзасе гыхъа чиебы аккикалаъа. Къийнийни йигъылхъассе тохумбы аъасдиме 60% чиебы малаламишау гьалзирда водунбы. Гъайни сен шацыйн хынне 800 гьектарейхъа тохумбы эзас. Мана иш вуккейсдиме тохумбы алишы гьалзирда водунбы. СПК «Свердловын», СПК «Мишлешин», СПК «Кальялын» мана иш гибгъыл вобна. Манбыше гъайни сен эзас югун сорт тохумбышин алишы.

Манчихъа ил'дякы, къийна районны тасарруфатбы хаIданани дагъамийвал'бышика растына хъадайлэ. АIхырейни вузаршее техникайн янаджагъ гыранхъайхъа гора, чолбышее гъаъани ишбышис ишлемишаъан харджийид агъалла хъыхъа.

СПК-бышди вукIлелинбыше мани сардан яранмишувхъайни вазиятыке гаф гъаагъанкъа увгъойн: «ГъаIше шаке дурустба иш вуккейс ваахаI деш. Техника кираныс алягъа, манчисын янаджагъ, аагъасда тохум, эзуйн торпахбы гьалшаратыке гьуваджесдиме джурабаджура дарманбы цайни къийматыс илещи. Хардж гъауйни пылыс сиклы гелир алягъас ахаI деш. ГьуIкуматын сабара карбышее шас хыл' авхъунахъий югданий ихъес».

Тасарруфатбышда энки хаIбна дагъамийвалла эзуйни торпахбышис чини вахтаI' хъан гьидихъырий вобна. Районни хаIрни агрономни ГьыIсейн Мамедовни увгъойка, аIхырейни сен-

бышее районни тасарруфатбышихъад хьинена кеситийвалла вухайке, хаIдын центнербы алягъас ахаI деш. Гъар сен хаIдданан гьектарбы нам дешъайхъа гора, гедъхананбы.

Рутул районни тасарруфатбышихъаб хьинена дагъамийвалла хаIдда сенбына вобна. Мааъаб яранмишувхъайни вазиятыке делесвалейнче танышувхъес бабаюртни зонайл'ни экинбышейхъа хаIбба къуллухчер абы. Манчихъа ил'дякы, къийнаб мана мисала са суралхъа хъувхъа дешда.

Гъалекийс районны тасарруфатбы растына хъа-




дайлени дагъамийвал'бышихъа ил'дякы, 2023 сеннин екунбы бабатни гъагука ыIхыйнбы. Манбыше хъооIни сенилхъа хаIдын умудбы гъаъа водунбы.

ЦаIхни мизени гьаIкIеедын ыIлимын китаббы

Къурбан Омаханов

Сабара вахтна гыхъа МаIгъачкъалее, «Алеф» донани чапхане аалимын Мариза Ибрагъимовайн ыIлимын китаб «Категория класса и числа в рутульском, цахурском и шахдагских языках» чапыке хъигъечIу.



Мана ыIлимна иш ДФИЦ РАН ИЯЛИ гъазиравъу ва мани ыIлимни марказни аалимаршини мислягъатыка къавуккы. Монографияейл' ооъар Мариза Огълановна хил'дже сенбына ишлемишийхъа. Материал саъасдиме мана командировкабышеехъа Азербайджанхъа ва Дагъыстанни Рутул районни хиваршеехъа гьаркъын. Мааъар мана ешли инсанршиква горушмишийхъа ва манбышиква саджиге мизел' ооъар ишлемишийхъа. Китабеехъа будухаршина, крызаршина, рутулбыш-

да, цаIхбышда мизаар гьадкIу.

ЦаIхни мизекена маIнкъына кумагчий зы, Къурбан Омаханов ва АIбдуралгъым Дадашев вухъа. Къ. Омаханове цаIхни лугъадыкен (ЦД), АI. Дадашеве Гьыл'мецни лугъадыкен (ГД) маълумат гъувы.

Джена ыIлимна иш оокIлананкъаI, маIнкъее аалимаршин М.Е. Алексеевын, А. М. Диррын, Е.Ф. Джейраншивилийн, Гъ. Х. Ибрагъимовын, С.М. Магъмудовайн, Б.Б.Талибовын, Ж. Отъейн, С. М. Хайдаковын, Г.А. Климовын, Р. М. Шаумянын ва мейнбышин ыIлим ишбы ишлемишаы.

МаIнкъыни ишна метлеб мана вухъа: рутулни, цаIхни, будухни, крызни мизяршина акрарыйвалла ва гогъарыйвалла классбышди ва сайни грамматик категориябышиква ашкарауй. Мани мизяршин грамматик категориябы сана-санчиква тутушмишауйле хыйгъа, маIнкъее джен ыIлимын къаджейбы одкIун.

Китабни къурлушеехъа введение, къоIбле глава, аIхир (заключение), ишлемишауйн адабият, мизяршин, диалектбышин , легъджебышин джитIан сиягъий, лышанбы ва информантаршин сиягъий гидхъу.

Мани китабыка , ненкъусый ыккан, ненайий мизени ыIлимыква маIшкъулехъи ДФИЦ РАН ИЯЛИ-

ни китабхане танышивхъес вухъе-



сынбы.

Мариза Огълановайхъад медын цаIхни мизени гьаIкIеедын ыIлимын ишбы водунбы. Ши маIнкъыс джени ишее угъурбы арзуламишаъа ва медын чIакIын ишбы окIанас къисматхъенбы!

Гъмани джад «Алеф» донани чапхане сабара йигъына гыхъа медни аалимын Б. М. Атаевын ыIлимын китаб «Языки и диалекты Дагестана: социолингвистический аспект» чапыке хъайиккы. Мана ыIлимна иш Б. М. Атаеве Дагъыстанни мизяршини лугъадбышис ва легъджебы-

шис къабсыр.

Манкъее джуни китабее гъарни дагъыстанни мизяршини гьаIкIеедын маълумат гъели водун : нени дестеехъайий мана гёохъа, няайий мана еймишивхъа, няайий мана йишонааъа, мани мизяршин фонетика, грамматика ва лексика гъели. Дагъыстанни мизяршин лугъадбы, легъджебы ашкараъасдиме, мана дагъыстанни адабий (писменные), тезеда язы къурмишхъайни , ойкIанан язы дешди мизяршди ооъар ишлемишхъа.

Б. Атаеве китабее хаIдын раздел ЦаIхни мизени (ЦЯ) гьаIкIеедын водун. Анджах, йишди увгъойка, китабее хаIдда саIгъбы вод хъызакха. Китабни авторе ёхламиш гьидявъуна мизени, миллетни гьаIкIеена хабароб гъооли. Манкъее аIсас медни аалимаршин фыкырбы, джуммы хынне вод гъели. Миллетыква, мизеква, таарыхыква, миллетни сайиква багълыданан терминбы ва маълумат джигайл' ёхламиш гьидяу вод гъели.

Гъел'бедти, хаIдданан мизени гьаIкIеедын материал, манкъее писда дешод гъели.

Ши маъаIллимаршис, мизени устадаршис, шааираршис, таарыхчешис хааиш гъаъа, мани китаб хъадхъе ва вушин фыкырбы эгъе.

Хъадхъийна урват къаъайбхъуна

Къурбан Омаханов

Йишди гьокуматыл' хъадхъийн тезе 2023-24 сен сентябрьни 1 —чил' гидгъыл. Гьар сен инсанаршихъад тезе сенийлхъа югун умудбы эхъи. Манбы чалышмишоохъенбы шаца гъаъас дехъайн ишбы, тезе сен гъаъас.

Хъадхъийлхъа гьаммаше йишди гьокуматын клорана фыкыр гьооли вухъа, нъас увгъе гьокуматын геледжагъ йылкыале вулхъани ацлаликивани архайке аслыда ыхъа. Ацлаалин, тербийейн диб мактаббегийхъи. Агар хъодкуда алетге, гьыргыни санаъалтбышикен 60% ацлаал' мактабее инсане аляатла. Ахуйн 40% санаъалткъен ацлаал' техникумбышее, колледжбышее, институтбышее, университетбышее, академиябышее, аспирантурабышее аляатла. Агар шигьртее мактабна хъадхъийна программа хъобкуба ил'дебтгее, манкьуке адатый не дохтур, не усад, не лётчик, не маъаллим, не экономист, не юрист, не инженераер ва мерна санаъалтчий ихъес деш. Манчихъа гора, агар шас йишин гьокумат гьихъа ал'гъаалн ихъес ыкканхъее, мактабее гьелени хъадхъийлхъа фыкыр гьевлес вуккан.

Совет гьокумат дагъылмишхъайле хъийгъа, хъадхъийн къурлыш быкырда бадалхъайн. Тез хъадхъийна Балонскна система къулайлхъа идевчлуна. Мани системин хъадхъий охале къаъадчийн. Хъадхъий джад деш, тербийед манчин мактабене кырагъылхъа хъаъы. Къийна маъаллимхъаб мактабее ушахаршис етыгъын ацлаал' гьелесда вахт дешда. Маъаллимна халббанана вахт лазымдешин кагъыз-кугъыз гъаъаъас авайклан. Манкьухъаб дарс гьелесда ва ушахаршике дарс хъидгъынаъасда вахт аахва деш.

Зы тербийейни гьаклее эйджад деш. Манчин натийджабы шакле хъедженбы.

Къинаб РФ-ни субъектбышди хъадхъийни, ылимни министрствабышее Западын либерал марахбы гозетягъ инсанар гивур вобунбы. Манбыше мактаббышедын хъадхъий «кунджеехъа» гьичыдыр водун, артымишхъес гъайсар деш.

Ахъреени 30 сенин арее хъадхъий нимеехъе далыйлхъа ылы. Хъадхъийни, ацлаал'нани инсанна мурват клапкеле авхъа къаъайбхъу. Хъадхъына хъыдядхъийнкъуна къул ыхъа.

Къийна Ватан дарееанкъа, шакле хъадхъийна къадир ваацоохъи гьибгъыл. Югун-югун хъадхъийн, ацлааликван джегыл' аалимар йишди гьокуматыл' хаариджий оллкабышилхъа абкын.

Маъаллимна гьуърмат гьидвааджени, манкьуни ишис къий-



мат гьидеолени, ушахаршис хъадхъийлхъа, ацлаалилхъа фыкыр гьидеолени оллкакъад югун геледжагъ ихъес деш, не манчин экономикад артымишхъес деш.

Къийнаб мана мактабее хъадхъийна вазият югни суралхъа быкырба сабкыл дешобна. Хъадхъийни ва ылимни министрствабышее, хъадхъийлхъан назарат ыккеккани ташкилатбышее хъадхъийн къурлыш дяцлан халбба инсанар ишлемишоохъи вобунбы. Менягъад манбышди гьаклее эгъес, миз' иливийклар деш.

ОГЭ-на, ЕГЭ-на месала са суррахъа хъидявъу, ареехъа мебна абчы. Гьалшдийлхъамее ушахарше са улджумее йиххъыдле йигънаний хъадахъа. Сифтийлид (субботагъид) дарсбыний эйхъи. Хъадхъийна программа къурмишавъуна йихъни йигъыс. Ушахар усулывхъес вуккан предметбышикен ацлаал' аляатлас.

Гъайни сенийке мактаббы хъони йигъни хъадхъийлхъа ал'гъагъасда мислягъалт къавдже. Бес нягъадне ушахее гьыргыни предметбышикен ацлаал' алетлас, мактабна программа алетлас? Мани суалысын джаваб хъелена дешда...

Дагъыстанее мана месала гьаллаъасын алмал табалауйн: едини мизелин дарсбы къыл'хъаъас. Йишди республике едини мизелин дарсбы «бугъазеена баркълв» вухъа. Гьар багънабышиква ман-

бы хъадхъийни программенче хъыгъаъас чалышмишоохъи. Чини джигеехъа хаариджий душман оллкабышин мизяр аъа. Менягъад нагъадмы закле эгъес ацла деш. Йишин мизяр йишди хылеква гьагъа. Анджах медни Россияни республикабышил' : Татарстан, Башкорстан, Осетией', Чечняй', Кабардино-Балкариейл' ва медни субъектбышил' магъамна бейабырчийвалла дешда.

Вахтале-вахталхъа едини мизяршис къадсырыйн маджлисбы, конференциебы джурабаджур майдамбышее ал'гъайгъи. Анджах маъад гъаъани къалрани гафбышихъаб нишинаджаб гудж дешда. Гьел'бедти, манчин тахсиркараер Дагъыстанын джамаъат водун. Нягъалбынбийий инсанар , гьалмагъбынбыб регъбеар воохъи.

Къийна халбна кесетийвалла мактаббышее едини мизелин китаббы дехъайква цыцлааъа. Алсас мана дагъамийвалла агъуларшисни, цлаалхъышди, рутулбышди ушахаршихъаб вобна. Садджу Дагъыстанни хъадхъийни ва ылимни министрствайхъаб манбышин китаббы къайиккасын имканбы, пылбы деш. Йишин мизяр, адабият, ушахар «къарчИнбы» вобунбы. 10-12 сена мани миллетбышди мизяршикен тезе ГОСТ –кван китаббы одкун, прогаммабы къурмишаы, прописьбы гъазирау ва медын ишбы къадже.

Гьар сен ДР-ни хъадхъийни ва

ылимни министрствайн манбы чапыке къайиккасын умудбы гьели ыхъа. Анджах къийнад манбыше мана иш быкыравъу деш. Гъайни сен ман китаббы къайиккас министрствайни бюджетеехъа члакын пылбы къайиккы ыхъа, анджах мед чапыке къекканчини алрее йишди миллетбышин китаббы ыхъа деш. Дагъыстанни Правительствайни садрыйни дойилхъа, ДР-ни хъадхъийни ва ылимни министрлхъа мани дагъамийвал'ни гьаклее кагъызбы одкун. Рутулбышди депутатыква Давуд Сулеймановыква ва цлаалхъышди джамаъатчийква министраршисване манчин гьаклее вухъа. Анджах далыйл' йишин миллетбы, къуллухъа ил'бзур деш. Йишин сен няхъаджад гъийхъар деш.

Агар йишда адабиятна миз' алрайле абкынее, ши миллет' хъинне ахвас деш. Ман дедергунхъа батмышхъесын. Шахъад йишин таарых, адабият, маданият, адатбы, адаббы ахвас деш. Мани къуеухъан ши цеддыйн атдым гъаийн. Мани халбни дагъамийвал'ни балее ахъына инсан дешда. Гъалекийс ши магъна дешди маджлисбышиква, оюнбышиква, огулмишивхъайква, саъани фитрабышиква малшкъулувхъа вобунбы. Кыл'ни йигъынджабышди алрее члакын дагъамивал'бы къеджи деш. Анджах миллетни дойиле йишонаагъан «къочера» шахъаб соцетбышее нимееганбыхъее вобунбы.

Миз' вуккан деш, амма милтъкъва багълыбанана къуллухъа вукканна. Югни къуллухъышил' ишлемишоохъенкъа, саджар миллетни балее ахва деш. Къуллухъылхъа гьирхъыл'нар джуни, джуни хизани, джуни гогъар – гьамбазни хайирыс ишлемишехъи. Манке миллет клелийханан. Миз', миллет садджу къуллухъа вуккананкъа!

Йиклелхъа хъадаили. Мани мизени сардан йишди миллетыс хайир гьелена шахъар хаарна къуллухъчий, депутат, джамаъатни палатайна узъы, ишкар ыхъа деш.

Ареечене суал йидджад хъыгъаа: Магъбын инсанар йишди миллетыс лазымбане вобунбы?! Сасса вахтал' кумагъад деш манбышике дехъи, манбыше ишлемишоохъенбышысыд мешатбы гъаъа, йиклденахъааъа.

Ши къийна къалрани гафбышиле, гъаъани ишбышилхъа ил'гъебчлес вуккан. Йишин милет, джона миз', адабият, таарых Аллагъе гьуваджен! Умуд садджу Оорункъулхъа авху вобна.

Немаркированная обувь

Более 4 тысяч пар обуви без обязательной маркировки средствами идентификации выявили дагестанские таможенники в одной из торговых точек Хасавюрта.

Незаконно реализуемый товар изъят. В настоящее время принимаются меры, направленные на установление рыночной стоимости изъятого товара, по результатам оценки будет рассматриваться вопрос о возбуждении уголовного дела, либо дела об административном правонарушении.

Справка: Обязательная маркировка обувных товаров введена с 1 июля 2020. С этой даты не допускается ввоз и оборот на территорию Российской Федерации указанной продукции без маркировки.

Зоя Амирханова,
пресс-секретарь Дагестанской таможни




Ахтын донана шикыл'чий

Байрам Абдуллаев

Гъайни ул'джумее йишди редакциейна мигъман, республикайл' доюкана шикыл'чий (фотограф), «Нур» клазетна дост Камил Амина дих Чутуев ыхъа.



Халбба вахтний мана къидеджена, нягас увгъое хилдже сенбы водунбы мана пенсиехъа аркынийн. Оггийл'ни сенбышее Камил Чутуев шасхъа экгра-экгра арайли ыхъа ва вудж ыхъайни районбышди, хиваршди гъаикее гаф гъаа вухъа, гойнед шас лазымын шикыл'бы гъели ыхъа.



Эгъес эйхъ, джунни ымырен 60 сен манкъве шикыл'чийвалла гъаагани санааалтыс къадсыр. Къыйна Камил' Чутуевыхъад 86 сен водон. Дагъыстанее мана гъидяркынийн джига ва хив ярабни вухъее. Йишди цаахышди хиваршей-

ир мана оггийл' геер ыхъа. Къыйнийни йыгъыл' манкъве цыцлауийн йишди хиваршин ва инсанаршин шикыл'бы Дагъыстанни сабара джигабыйшее къаджес эйхъи. Масалан, Магъачкъалайни «Приморский» донани гастиницайни фойе манкъве цыцлавуна Цаахыйни хивуна шикыл' вобна.

Редакцияхъа мана арына макъсад мана вухъа, сабара йыгъбына гыхъа мана джунни ешехъа илджаккы, цаахышди Лекни хивехъа гъаркыын маагад инсанаршин ва хивын шикыл'бы цыцлауу. Чутуевни увгъойкьва йишди хиваршее оггийл' джухъаб мигъманар вухъа ва гъаркыыйнкъа манбышанкъаа ахва ыхъа. Амма гъаишде манбы гъини дюнейле абкыыйнныбы. Манкъуни увгъойкьва, Лекни хивее вудж чей илегъас хъортулна, амма вахт девхъайхъа гора иккелчу деш.

Зас гъаман эгъес ыккан, Дагъыстанее халбба югун шикыл'чеер вобунбы, амма манбышди алрее Камил Чутуев ахтыни дараджее ворна.



Манкъуна дек' Амин Чутуев Дагъыстанее церрийна шикыл'чий ыхъа ва манкъве цыцлауийн шикыл'бы 1920-1960 сенбыше респу-



бликайни клазетбышее чапаа ыхъа. Цеддийн фотоаппарат Камиллис вудже ёкъудъэсди сыныфе хъадахъанкъаа алишы ихъа. Манчихъа гора мана кыл'валееджар санааалт гъагас джунни деккике хархъыхъа, ва 1961-гесди сеныке ман санааалт гъаа гиргъыл' ва республикайни клазетбышее ва журналбышее хилдже сенбына ишлемишхъа. Масалан^ «Ленинское знамя», «Дагестанская правда», «Комсомолец Дагестана»; журналбы «Женщина Дагестана», «Наш Дагестан», «Возрождение», «Эхо Кавказа» ва марказни «Советская женщина», «Советское фото». Дагъыстане вахт-вахтал' манкъун выставкабы илгъечуйныбы. Чини арее: «Лица кавказской национальности», «Пусть цветут все цветы», «Петроградика» «Башня в горах», «Аулы Дагестана» ва медынбы ыхъа. Ши гъишди достус Камил' Чутуевыс джанана сагъвалла алрузламишааа ва эйгъен: «Гъаммаше гъу ши гоозетяаа ворна Цаахны магъаалылхъа».

Магъачкъале акция «Чтобы помнили» илгъечу

Къурбан Омаханов

Сентябрьни 14- чил' Магъачкъале, таарыхни парке «Россия-моя история» республикайн акция «Чтобы помнили» илгъечу.



Ман экстремизмакьвана мубариза вуккекканкъаа гъабтуйни инсанаршин ихтиярбы гозетяганы ишчершис ва Украинее алгъааини СВО гъабтуйни эскераршини едигарыс къадсыр. Халдын акцие ДР-ни информациейни ва чапни Агенствайн къурмишааы. Мани маджлисее иштыракааас ДР-ни

министерствабышин къуллукъчера, полицейин ишчера, джурбаджур локальный конфликтыйшее иштыракауйн ветеранар, СВО гъабтуйни эскераршин едяар, хъунашер, йичибы; РФ-ни Совет-федерациейна улзву, джамааалтни ташкилатбышин эл'чера, волонтерар, маааллимар, мактаббышин шигыртар абы. Маджлисна метлеб мактабни шигыртаршин патриотизм, гъокуматни силагъ, инсанаршин ихтиярбы къорамышаганы ташкилатбышилхъан иням, ыгътибар халдхъаый вухъа. Маджлис вуккеккани модераторе, цеддийн джуваб ДР-ни информациейни ва чапни Агенствайни хааарункъус Джамалутдинов Абдуразаак Абдулвагъабовыс гъувы. Манкъвее джунни чыхъышее увгъойн гъиджо иший эксинана вуккекка агенствайн терроризмакькийи ва экстремизмакька. «Шы борджылыба вобунбы йикелавхъас Ватан къорамышааа, йишин ихтиярбы гозетяа гъабтуйн ишин палицейски-



бы ва эскерар. Манбы йишди йиклее ва фыкрее гъаммашыйс аахвас вуккан», - АИ.Джамалутдинове увгъы. Гъаманидждад маджлисе гъаманчини гъаикеедын чыхъышбы медни къуллукъчере, мактабни маааллимарше, джамааалтни ташкилатбышди ишчерше ва валантерарше гъаы. Эсерыкван чыхъыш са мактабни маааллимае, Украинее алгъааини СВО гиклуйни эскерни едее гъаы. Манчиле хыйгъа, гыр-

гъини инсанаршини улеббыйшеехъа нагъбы хъады. Маджлисни алрее-алрее йишди эскераршина ва полицейскибышди игитивалла гъаагван джитлан роликбы ва анимациейн кино гъагу. Алхрее едигарыс саджигеедын шикыл'бы цыцлауу. Йишди увгъойкьва, магъдын акциебы зарада-зарада алгъагъас ыккан, нягас увгъе манчин мактабни ушахаршин Ватанылхъан алшкъ, патриотизм халдхъаа.

Решение Собрания депутатов муниципального района «Рутульский район»

1. Объявить конкурс по отбору кандидатур на должность главы муниципального района «Рутульский район».

2. Установить дату начала проведения конкурса с участием кандидатов на должность главы муниципального района «Рутульский район» – 11 октября 2023 г. в 11:00 ч. в актовом зале администрации района.

3. Конкурс проводится в соответствии с условиями (прилагаются), определенными Положением о порядке проведения конкурса по отбору кандидатур на должность главы муниципального района «Рутульский район».

4. Определить срок приема документов для участия в конкурсе с 18 сентября по 05 октября 2023 года (включительно). Место приема документов – с. Рутул здание администрации муниципального района «Рутульский район» (1 этаж, кабинет «отдела туризма», Магаррамов Магомед Джабраилович тел. 8-963-401-52-21).

5. Общее число членов конкурсной комиссии по отбору кандидатур на должность главы муниципального района «Рутульский район» установить в количестве 6 человек.

6. Назначить членами конкурсной комиссии по отбору кандидатур на

должность главы муниципального района «Рутульский район» следующих лиц:

1) Эминов Эмин Магомедович - председатель совета старейшин Рутульского района;

2) Магаррамов Магомед Джабраилович - председатель общественной палаты района, депутат районного собрания;

3) Акимов Фидель Курбанович - директор ГКУ РД УСЗН в МР «Рутульский район».

7. Направить настоящее решение Главе Республики Дагестан для назначения второй половины состава конкурсной комиссии.

8. Опубликовать настоящее Решение в республиканских газетах «Рутульские новости», «Нур» и разместить на официальном сайте муниципального района «Рутульский район».

С условием проведения конкурса по отбору кандидатур на должность главы муниципального района «Рутульский район» можно ознакомиться на сайте администрации муниципалитета.

Председатель Собрания депутатов
Назим Рагимов

Самолет-разведчик США					Рубеж		Чечетка							
Бумага, вклеенная в текст	Деталь прицела		Окружность		Мягкая тонкая кожа				Гулливер		Работник сараля			
					Местный крутой обычай		Один из участков ГКЧП		Эл.-магн. устройство		Экс-чемпион шахматы			
	Одна из 4 стихий		Гараж, поезд											
				Цитрус		Город в Сибири	Забава							
	Муж леди	Район Санкт-Петербурга		Компания из троих				На нем сидят		Едкий ... (щелочь)				
	Не розница			Мертвецкая		Борцовский ковер								
	Награда, плата						Время года	Готовь ... летом		Перелетная птица				
			Коллективный певец		Ударник									
Датская губерния					Кольраби		Грузинский рубль							
Наклон. площадка	Веселый кураж		Пиломатериал					Ретро-стихотворец		Древнее название Испании				
					Страна, Багдад		Пионерское собрание		Часть молекулы	Густой осадок в жидкости			T-72	
	"Фольксваген", модель	Крестьянский дом		Кукуруза для просто Марии										
					Спешная работа		Рама, картина							
	Дерзкий человек		Разменная монета Анголы											
					Под самым куполом		"Разные судьбы" (Фрейдлих)							
	Есть у реки		... детский сад, школа					Форос						

Камень счастья

Какой камень приносит счастье? Издревле люди считали, что таким камнем является бирюза. Кстати, привычное нам название этого камня происходит от персидского слова (имени) «Фирюза», что и означает в переводе «камень счастья». Следует заметить, что в мусульманском мире бирюза во все времена пользовалась особой любовью и популярностью.


Первым европейцем, описавшим бирюзу, был Марко Поло. Цвет у бирюзы небесно - голубой. Эта окраска связана с наличием в составе камня меди. Однако иногда бирюза имеет зеленоватояблочный оттенок, что означает присутствие в минерале ионов трехвалентного железа. В этом случае блеск бирюзы стеклянный или восковой. Бирюза может обесцвечиваться на солнце. Со временем или под воздействием спиртов, духов, ароматических масел, пены, бензина, ацетона, кислот она приобретает зеленоватую или коричневатую зеленую окраску.

Самого высокого качества бирюза добывается в Иране.

Мудрые мысли

- Наука подобна питанию: в ней нуждается каждый.
- Если не будет потустороннего мира, то останутся без воздаяния добрые дела, не оцененные в этом мире, а дурные – без наказания. А это было бы несправедливо и вредно.
- Желудок сына человеческого не насытит ничто, кроме земли.
- Нет пользы от имущества, пока не проявится щедрость, нет пользы от дружбы, пока не проявится верность.
- Если благоденствие состоит из десяти частей, то девять из них – молчание.
- Хочешь исправить другого – сначала исправь себя.
- Терпение – это питье горечи глотками, не подавая вида.
- Находишься среди людей, но никому не будь обузой.

Полосу подготовила
X. Ашуралиева

<p>УЧРЕДИТЕЛЬ: АГЕНТСТВО информации и печати Республики Дагестан</p> <p>Главный редактор Абдуллаев Б.С.</p>	<p>Газета «Нур» зарегистрирована Управлением Федеральной службы по надзору в сфере связи, информационных технологий и массовых коммуникаций по РД.</p> <p>Регистрационный номер: ПИ № ТУ 05-00411 от 22. 04. 2019 г.</p>	<p>Газета отпечатана в ГАУ РД «Издательский дом «Дагестан» Адрес: г. Махачкала, пр. Насрутдинова, д. 1а, 3 этаж Тираж – 1200</p> <p>Время подписания в печать - 17:00, фактическое - 16:30</p>	<p>Позиция редакции может не совпадать с точкой зрения авторов публикуемых материалов.</p> <p>При перепечатке материалов ссылка на «НУР» обязательна.ц</p>	<p>Адрес редакции и издателя: 367018, РД, г. Махачкала, пр. Насрутдинова, д. 1а, 3 этаж Индексы: 51385; 63258</p> <p>Телефон (факс): 65-02-84 Ответственный секретарь: 65-02-70 (E-mail: nur@etnomediadag.ru) www.nur-05.ru</p>	 <p>4 651116 280075</p>
--	--	--	--	---	--